

Kalaallit Nunaanni pinerluttulerinermi inatsisip, Kalaallit Nunaanni eqqartuussisarnermik inatsisip aamma inatsisit allat allanngortinneqarnerat pillugu inatsit

(Akuersissuteqaqqaarnissamik tunngavilimmik pinngitsaaliilluni atoqariginninneq pillugu aalajangersagaq, pinerluttulerinermi eqqartuussisarnermi digitalimik attaveqaatinik atuineq, suliassat nassuermertut suliarineqarut, najuutinngitsoornermi eqqartuussutit, eqqartuussisut aamma najukkami eqqartuussisut tunuartussaataaerannut ukioritinneqartut il.il. aamma Kalaallit Nunaanni kingornussisarneq agguasarnerlu pillugit inatsisit nutarterneqarnerisa kingunerisaanik allannguinerit)

UAGUT MARGRETHEP AAPPAAT, Guutip Saammaassineratigut

Danmarkip Dronningia, tamanut nalunaarutigaarput : Folketingip

inatsit tulliuuttoq akuersissutigisimmamagu aamma Uagut

Akuersissuteqarnitsigut atortussanngortikkatsigu:

*Inatsiseqarnermut ministereqarfik*

## § 1

Inatsimmik allanngorneri ilanngullugit nalunaarutiginninneq nr. 1045, 7. september 2017-imeersoq, ilaatigut inatsimmi nr. 168-imi, 27. februar 2019-imeersumi § 1-ikkut aamma kingusinnerpaamik inatsisikkut nr. 572-ikkut, 10. maj 2022-imeersukkut allanngortinneqartumi, Kalaallit Nunaanni pinerluttulerinermi inatsimmi allannguinerit tulliuuttut suliarineqassapput:

1. § 77, *Immimm. 1* aamma 2, imatut iluseqalissapput:

»Pinngitsaaliilluni atoqateqartutut pineqaatissinneqassaaq, atoqateqarsimasoq imal. allatut akuerineqarani peqateqarsimasoq.

*Imm. 2.* Pinngitsaaliilluni atoqateqarsimasutut pineqaatissinneqassaaq, kina meeqqamik 12-it inorlugit ukiulimmik atoqateqarsimasoq allatulluunniit kinguaassiuutitigut atoqatiginnittoq.«

2. § 79-imi *allanngortinneqassaaq* »§ 77, imm. 1, nr. 3.« imaattunngortillugu: »§ 77, imm. 2.«

## § 2

1. Inatsimmik allanngorneri ilanngullugit nalunaarutiginninneq nr. 1581, 13. september 2016-imeersoq, ilaatigut inatsimmi 149-imi, 7. februar 2017-imeersumi aamma kingusinnerpaamik inatsimmi nr. 572-imi, 10. maj 2022-imeersumi § 1-ikkut allanngortinneqartumi, Kalaallit Nunaanni eqqartuussisarnermik inatsimmi allannguinerit tulliuuttut suliarineqassapput: § 44, *imm. 1-imi*, »imm. 2 aamma 3« allanngortinneqassaaq imaalillugu: »Imm. 2-4«.

2. § 44-mi *imm. imm. 4-tut ikkunneqassaaq*:

»Imm. 4. Pinerlunnernik suliassani § 449 a malillugu saqqummiunneqartuni eqqartuussisooqataasartut peqataassanngillat.«

3. § 50, imm. 1, 2. Pkt.-mi, aamma imm. 2, 2. Pkt.-mi, »suliassat nassuernertut suliarineqartut« allanngortinneqassaaq imaalillugu: » 449 a malillugu,«.

4. § 55-imi aamma 57, imm. 1-imi, »inatsisit« kingorna ilanngunneqassaaq: », matumani kingorngussinermut inatsisip ataani, inatsit toqusimasup pigisaanik agguaassinermi kiisalu katissimasap pigisaanik agguaassinermi il.il.,«.

5. § 94, imm. 5-imi, »§ 147 e aamma § 147 f, imm. 2,« ima allanngortinneqassaaq: »§ 147 e, § 147 f, imm. 2, aamma § 147 g«.

6. § 128, imm. 1-imi, allannguteqassaaq »una inatsit“-tut,« imaalillugu: »inatsit«.

7. Kapitali 10-mi § 128-ip kingorna ilanngunneqassaaq:

*»Digitalimik attaveqaatinik atuineq*

**§ 128 a.** Pinerluttulerinermi eqqartuussisarnerni allaganngortitsinissamik piunasaqaat digitalimik attaveqatigiinnissamik imaluunniit allagaatinik digitalimik il. il. atuinissamik ajornartitsinngilaq.

*Imm. 2.* Malittarisassat atsiortoqarnissaanik piunasaqaatitallit ajornartitsinngillat nalunaarutit digitalimik allakkatut nassiuunneqarnissaannut, nalunaarutit digitalimik atsiorneqarsimappata.

*Imm. 3.* Nalunaarut digitalimik attaveqatigiinnikkut nassiuunneqartoq, apuussimasutut isigineqassaaq tiguisisussamit tiguneqarsinnaanngorsimappat.«

8. § 270 atorunnaarsinneqarpoq.

9. § 283, imm. 1-imi, »§ 448 c« ima allanngortinneqassaaq: »§§ 448 f aamma 448 h«.

10. § 283, imm. 2-mi, »§ 448 f« im allanngortinneqassaaq: »§ 448 g«.

11. § 321, imm. 1, nr. 3-mi, »annaaneqarnerannik.« til: »annaaneqarnerannik,«.

12. § 321, imm. 1-imi, nr. 4-tut ilanngunneqassaaq:

»4) Suliaq § 453, imm. 3, nr. 4 malillugu ingerlanneqassaaq, aamma isertitsivimmiittussanngortitsisinnaaneq apeqqutaalissaaq.«

13. § 440 sioqqullugu qulequtaq atorunnaarsinneqarpoq.

14. § 440 atorunnaarsinneqarpoq.

15. § 449-kingorna § 450 sioqqullugu qulequtaq sioqqullugu ilanngunneqassaaq:

*»Suliassat nassuernertut suliarineqartut*

**§ 449 a.** Eqqartuussinermi eqqartuussisooqataasartut peqataaffigisassaraluanni § 357 imaluunniit § 447 malillugu imaluunniit § 472 malillugu isumaqatigiinniarnermi pingaarnermi pasisaq nangaassuteqarani nassuerpat, suliaq erngertumik eqqartuussinissanngortinneqarsinnaavoq,

allakkamik unnerluussummik suliaqartoqaqaarani, imaattoqarpat

- 1) paasissutissat pigineqartut tunngavigalugit unnerluussummut nassuernerup ilumoortuunera uppersarneqarpat,
- 2) pasisaq aamma unnerluussisuusoq akuersaarpat,
- 3) eqqartuussutissamik isumaqatigiinniarnertaqanngitsumik suliap aalajangiiffiginissaa eqqartuussiviup ippinnartoqartinngippagu aamma
- 4) pinerluttulerinermi inatsimmi kapitali 33-p aamma 34-p atorneqarnissaanut apeqquteqaateqartoqanngippat.

*Imm. 2.* Eqqartuussivik eqqartuussummik nalunaaruteqartinnani, pasisaq unnerluussutip imarisaanik ilisimateqaarneqassaaq, aammalu oqaaseqarnissaminut periarfissinneqassaaq. Paasissutissanik annertunerusunik pissarsinissaaq pisariaqartinneqarpat, tamanna kapitali 34-mi malittarisassat malillugit ingerlanneqassaaq, aammalu pasisaq periarfissinneqassaaq paasissu-tissat pineqartut pillugit oqaaseqarnissamut.

*Imm. 3.* Eqqartuussivimmiinnermi pasisaq tigusarinqarsimappat imaluunniit tigummigallassanngortinneqarsimappat, illersuisuata § 321, imm. 1, nr. 1, malillugu toqqarneqarsimasup, suliaq pillugu paasisaqarnissamut, pasisarlu oqaloqatigiinnissamut aammalu oqaaseqarnissamut periarfissinneqassaaq, pasisap imm. 1, nr. 2, malillugu akuersissuteqannginnerani. Pasisap akuersissuteqarnerani illersuisoq eqqartuussivimmi najuutissaaq.

*Imm. 4.* Eqqartuussinerup nalaani pasisaq tigusarinqarsimannngippat imaluunniit tigummigallassanngortinneqarsimannngippat, neqeroorfigineqassaaq illersuisussaanic toqqaasoqarnissaanut, pineqartup imm. 1, nr. 2, malillugu akuersissuteqannginnerani. Pasisap kissaateqarnera malillugu illersuisussamik toqqaasoqanngippat, imm. 3 assinganik atuutissaaq.

*Imm. 5.* Eqqartuussutip nalunaarutigineqarnera eqqartuussutinut allanut malittarisassat atuuttut malillugit nalunaarutigineqassaaq, pinerluttulerinermi suliani najukkami eqqartuussivimmi nalunaarutigineqartunut.

*Imm. 6.* Suliaq § 301, imm. 1, nr. 2-mi pineqartoq, suliaq nassuernertut suliarineqarsinnaanngilaq.

*Imm. 7.* Pasisap aamma unnerluussisussaataasut pineqartumut unnerluussutaasoq akuersaagaat eqqartuussiviup allattuiffianut nalunaarsorneqassaaq. Pasisaq illersuisussamik toqqaasoqannginnissaa kissaatigippagu, tak. imm. 4, tamanna aamma eqqartuussiviup allattuiffianut nalunaarsorneqas-saaq.

*Imm. 8.* Eqqartuussiviup aalajangersinnaavaa, pasisaq imm. 1 malillugu alimasissumik assitalimmik eqqartuussinermut peqataassasoq, pasisap eqqartuussivimmi najuulluni peqataanissaa pisariaqanngippat. Eqqartuussinermi illersuisoq pasisap najuuffigisaani peqataassaaq, imaassimannngippat eqqartuussiviup eqqortuusorinnigikkaa illersuisup eqqartuussivimmi peqataanissaa. Pasisap aamma illersuisup eqqartuussivimmi peqataanerannut §§ 128 aamma 163 aamma atuupput. § 466, imm. 2 assinganik atuutissaaq.

**§ 449 b.** Suliani unioqutitsisoqarsimanera pissutigalugu suliani, ilimagineqanngitsuni akiliisitaanermik imaluunniit arsaagaanermik kinguneqartussatut, unnerluussisussaataasut akiliisitaanermut tunngatillugu pasisamut nalunaarutigisinnaavaat suliaq eqqartuussinertaqanngitsumik aalajangiiffiqineqassasoq, pasisaq unioqutitsinermi pisuusutut nassuerpat aammalu akiliisitsissutigineqartussamut piffissarititaasup iluani akiliinissamut akuersaarpat aammalu arsaagaasinnaanermut. Noqqaassuteqartoqarneratigut piffissarititaasooq unnerluussisussaataasuniit sivitsorneqarsinnaavoq.

*Imm. 2.* § 437, imm. 2, nr. 1-imi aamma 2-mi, aamma imm. 3-mi, allakkap unnerluussutip imarisassaanut piunasaqaatinut malittarisassat akiliisitaanernut assinganik atuutissapput.

*Imm. 3.* Pasisap 18-it ataallugit ukiullip inatsimmik unioqutitsinermut atatillugu angajoqqaatut

oqartussaasoq akuersiteqqaarnagu akiliisitaanissamut akuersaarsinnaavoq.

*Imm. 4.* Pasisap akiliisitaanissaq akuersaarpagu, malitsigisaasutut malersuinissaq atorunnaassaaq, taamaattoq tak. § 315, imm. 1, aamma § 449 c, imm. 2. Aalajangiineq eqqartuussutitut nangeqqinneqarsinnaavoq.

**§ 449 c.** Pasisaq inatsimmik unioqquitsinermut atatillugu akiliisitaasimappat aamma arsaagaasimappat, tak. § 449 b, taamanna ajornartitsinngilaq noqqaassuteqartoqarneratigut unnerluussisussaataasut pisinnaasut akiligassap appartinnissaanut pasisap isertitakippallaarnera pissutigalugu.

*Imm. 2.* Pisumi imm. 1-imi taaneqartumi, aalajangiinermiit ullut 14-it qaangiutsinnagit pasisap aalajangiineq politiinut nalunaaruteqarnikkut utertissinnaavaa. Pasisaq 18-it ataallugit ukioqarpat, angajoqqaatut oqartussaasup aalajangiineq utertissinnaavaa.

*Imm. 3.* Politiit pasisap imm. 1-imi aamma 2-mi malittarisassat pillugit ilitsersussavaat. Pasisaq 18-it ataallugit ukioqarpat, politiit angajoqqaatut oqartussaasoq aamma imm. 1-imi aamma 2-mi malittarisassat pillugit ilitsersussavaat.

*Imm. 4.* Justitsministeri imm. 3 malillugu ilitsersuinermut malittarisassanik aalajangersaasinnaavoq.«

**16. § 452, imm. 2-mi oqaaseqatigiinni siullerni,, ændres »-sinnaavaat« til: »-suliarissavaat«.**

**17. § 453, imm. 3 aama 4, ima oqaasertaliorneqassapput:**

»*Imm.* Unnerluutigisaasup najuutinngiffiani, unnerluutigisaasup najuunnissaa eqqartuussiviup pisariaqartinngippagu, unnerluussisuutitaasut tamatuminnaga piumasaqaat pillugu saqqummiippata, eqqartuussutissamik isumaqatigiinniutigisaq eqqartuussutinngorlugu suliarineqassaaq, pisuni makkunani,

1) allakkap unnersuussutaasup pineqartumut nalunaajaatigineqarnerata kingorna, unnerluutigisaasoq qimaasimappat,

2) suliap aallartinnerani unnerluutigisaasoq najuutereerluni eqqartuussiviup akuerinngisaanik eqqartuussivik qimassimappagu,

3) suliap ingerlanerani taamaallaat ukioq 1 imaluunniit sivikinnerusumik parnaarussivimmi inissiinissaq, arsaarinninneq, anisitsineq, pisinnaatitaaffiaaneq imaluunniit taarsiisussaaneq pillugu apeqqutaappat eqqartuussutissamillu isumaqatigiinniutaasup naammassineqarnissaanut unnerluussaasoq isumaqataappat,

4) parnaarussivimmi qaammatini 6-ni sivikinnerusumilluunniit inissinneqarnissap, akiliisitaanerup, arsaarinnissuteqarfigineqarnerup, anisitaanerup, ingerlatitsisinnaanermik allagartaajagaanerup imaluunniit taarsissussaataitanerup saniatigut

allanik unnerluussaasoq pillaatissinneqanngippat, imaluunniit

5) Eqqartuussiviup isumaqarfigippagu suliap suliarineqarnerani qularnaateqanngitsumik unnerluussaasoq pinngitsuutinneqartussaasoq.

*Imm. 4.* Unnerluussaasoq isumaqataasimangippat, unnerluussaasoq inatsisit malillugit aggeqqusaasimappat aggeqqusissummilu ersippat, inatsisitigut pissutissaqarani aggersimanginneq, unnerluussummi allassimaneratut pissutsinut unnerluussaasup eqqartuunneqarneranik kinguneqarsinnaasutut imm. 3, nr. 4 malillugu eqqartuussutissamik isumaqatigiinniutaasoq taamaallaat ingerlanneqarsinnaavoq.«

**18. § 467, imm. 2-mi, nr. 6-itut ilanngunneqassaaq:**

1) »6)

2) § 453, imm. 3, nr. 4 malillugu suliani unnerluussaasup peqannginnerani suliarineqartuni, illersuisuusup tamanna piumasarippagu, unnerluussineq pillugu unnerluutigineqartup

politiinut oqaluttuarisimasai nassuiaatit pillugit politiit nalunaarusiaannut ilanngussat.«

**19. § 472-imi** imm. 1-p kingorna immikkoortutut nutaatut ilanngunneqassaaq:

»Imm. 2. Unnerluusaaq unnerluussummut nangaassuteqarani akuersaarpat, eqqartuussivik aalajangiisaaq, tapertaasumik qanoq aamma qanoq annertutigisumik uppersaatinik saqqummiussineq pissanersoq.

Tamatuma kingorna imm. 2 imm. 3-nngussaaq.

**20. § 474, imm. 3-mi oqaaseqatigiit pingajuat atorunnaarsinneqarpoq, taarsiullugu ilanngunneqarluni:**

»Suliassaq § 453, imm. 3 naapertorlugu unnerluutigineqartumit najuuffigineqarani suliarineqarlunilu aalajangiiffigineqassappat, aalajangiinerup assilineqarnera unnerluutigineqartumut nalunaarutigineqassaaq.«

**21. Kapitali 44-mi § 592-p** kingorna ilanngunneqassaaq:

»§ 592 a. § 453, imm. 3, nr. 4 malillugu suliaq, unnerluussaasup peqannginnerani suliarineqarsimappat, namminerlu naatsorsuutigisinnaanngisani pissutsit pissutaallutik piffissaq eqqorlugu tamatuminnga nalunaarutiginninnissaminut akornquserneqarsimalluni, peqanngissimanerminut akuerisaasumik pissuteqarluni eqqartuussaasup uppersarsinnaappagu, imaluunniit eqqartuussisulersuussineq eqqartuussaasup piffissaq eqqorlugu ilisimalersimannikkuniuk, suliamut isumaqatigiinniarneq nutaaq aallarteqqinneqassasoq eqqartuussaasup qinnutigisinnaavaa. § 474, imm. 3, pkt. 3. aamma 4.-mi allassimasut malillugit eqqartuussummik nalunaajaatiginninnerup kingorna ullut 14-it qaangiutsinnagit suliami eqqartuussummik oqaatiginnittumut eqqartuussivimmum qinnuteqaat saqqummiunneqarsinnaavoq. Qinnuteqaat tamatuminnga kingusinnerusukkut, kisianni eqqartuussummik nalunaajaanerup kingorna ukioq ataaseq qaangiutsinnagu, tunniunneqarpat, eqqartuussiviup qaqutigoorluinnartumik suliaq aallarteqqissinnaavaa. §§ 585, imm. 1-imiit 590-imumiittuni maleruagassat taamatutaaq atuupput. Aallartitseqqiiniarneq itigartinneqarpat, Eqqartuussiviit Qullersaannut ingerlatitseqqineq pillugu maleruagassat malillugit apeqqut Immikkut Naammagittaalliornermut Eqqartuussivimmum (Den Særlige Klageret-imut) tunniunneqarsinnaavoq.

Imm. 2. Eqqartuussutissamik isumaqatigiinniarnermi nutaami eqqartuussaasoq peqanngippat, eqqartuussiviup eqqartuussutip inerneratigut suliaq matussavaa, eqqartuussutaareersorlu atuutsiinnarneqassalluni.

§ 592 b. § 592 a malillugu pinerluttulerinermik suliaq aallarteqqinneqarpat, peqataasut arlaannaanniilluunniit eqqartuussutissamik isumaqatigiinniarneq sioqqullugu nutaamik killisiuiniarneq pillugu qinnuteqartoqarsimanngippat, § 467-imi eqqaaneqartut pisut saniatigut suliarinninnermi sioqqutsisumi ilisimannittunit aamma naliliisartunit nassuiaataasimasut pillugit eqqartuussinermi allattugaatinut ilassutit, uppersaatinut atorineqarsinnaapput.«

*Finansministereqarfik*

### § 3

Naalagaaffimmi tjenestemandit Kalaallit Nunaanniittut pillugit inatsimmik nalunaarutnr. 1291,

14. november 2015-imeersoq malillugu, naalagaaffimmi tjestemandit pillugit inatsimmi allannguutit tulluuttut suliarineqassapput:

1. Kapitali 7-imut qulequtaq ima oqaasertaliorneqassaaq:

#### »Kapiteli 7

*Kalaallit Nunaanni eqqartuussiveqarfimmi eqqartuussisut aamma inatsisilerituutut tjestemandit allat kiisalu najukkani eqqartuussivinni eqqartuussisut pillugit immikkut ittumik aalajangersagaq«.*

2. § 34, imm. 2-mi, »65-inik ukioqalerfimmik« ima allanngortinneqassaaq: »70-inik ukioqalerfimmik«.

3. § 34, imm. 2-mi, oqaaseqatigiit aappaattut ilanngunneqassaaq:

»Kalaallit Nunaanni eqqartuussiveqarfimmi najukkani eqqartuussisunut tamanna aamma atuuppoq.«

*Social-, Bolig- aamma Ældreministereqarfik*

#### § 4

Kalaallit Nunaanni meeqqat inatsiseqartitaanerannik inatsimmut nalunaarut nr. 805, 30. juni 2015-meersoq malillugu Kalaallit Nunaanut meeqqat inatsiseqartitaanerannik inatsimmi allannguutit tulluuttut suliarineqassapput:

1. § 21, imm. 1-imi oqaaseqatigiit aappaat, aamma § 22, imm. 1-imi oqaaseqatigiit sisamaat atorunnaarsinneqassapput.

2. § 21, imm. 2-mi, »kingulliusup« ima allanngortinneqassaaq: »sivisunerpaamik inuusup«.

3. § 22, imm. 3-mi, ændres »Pigisanik agguasarnermik aalajangersaasartut« ima allanngortinneqassaaq: »Eqqartuussiviup«.

4. § 23 atorunnaarsinneqassaaq.

#### § 5

Aappariilersarnek apparikkunnaartarnerlu pillugit inatsisimmi, kunngip peqqussutaatigut nr. 307-ikkut, 14. maj 1993-imeersukkut Kalaallit Nunaannut atuutilersinneqartumi, kunngip peqqussutaatigut nr. 321-ikkut, 26. april 1996-imeersukkut, kunngip peqqussutaatigut nr. 197-ikkut, 7. marts 2016-imeersukkut aamma kunngip peqqussutaatigut nr. 679-ikkut, 6. juni 2016-imeersukkut allanngortinneqartumi, allannguinerit tulluuttut suliarineqassapput:

1. § 25, imm. 1-imi, »kingulliusoq« til: »sivisunerpaamik inuusooq«.

2. § 25, imm. 4, atorunnaarsinneqassaaq.

3. § 26-imi »kingulliusoq« til: »sivisunerpaamik inuusooq«.

## § 6

Aappariinnerup inatsisitigut sunniutai pillugit inatsimmi, inatsisikkut nr. 150-ikkut, 31. marts 1993-imeersukkut Kalaallit Nunaanut atuutilersinneqartukkut, inatsisikkut nr. 103-ikkut, 3. februar 2016-imeersukkut allanngortinneqartoq, allannguinerit tulliuttut suliarineqassapput:

1. § 23 ima oqaasertaliorneqassaaq:

**§ 23.** Katissimasaminik aappaqartoq aningaasatigut peqquserluffigineqarsimanikkut aningaasaatiminik atornerluiffigineqarsimalluni, pigisatigut ataatsimoorlutik peqarnermikkut imaluunniit allatigut akisussaaffimmik atornerluisimanerup annertussusaa malillugu millisaaffigineqassaaq, ataatsimoorluni pigisanik, pineqartup aapparisaq piumasarisinnaavaa aningaasat pigisat aalajangersimasumik annertussusilikkat tigungmiinnarnerinik, imaluunniit taakkua naammangippata pineqartup taaneqartup aapparisaq siulliup immikkut pigisaasa affai aningaasaatit amigaataasut pissallugit. Aapparisaq pisinnaatitaaffigaa kingorngussassat taamatut pisinnaallugit ataatsimoorlutik pigisatik imaluunniit, naammangippata, katissimasap taaneqartup siulliup immikkut pigisai tamakkiisumik, aningaasat amigaatigisat nalingisa affai.

*Imm. 2.* Taamaalilluni katissimasap aningaasatigut taamatut pisinnaatitaaffeqarpoq, imaassimappat katissimasap ataatsimoorlutik najugarisamut aningaasartorsimappat, niuvernernut imaluunniit nammineq pigisaminut iluarsartuutitut atuisimappat imaluunniit piginnaatitaasut assingusut taaneqartut § 15, imm. 2.-mi. Aapparisaq kingorngussassai aningaasanik pissarsinissamik taamatut piginnaatitaaffeqarput, katissimasap ataatsimoorlutik pigisaminnut aningaasanik atuisimappat imaluunniit avinnermini immikkut pigisamini, niuvernernut imaluunniit immikkut pigisaminik pigisaminnik nutarterinermini.

*Imm. 3.* Katissimasap aningaasat nammineq immikkut pigisaminut atorsimappagit najukkaminut ajunngitsumik kinguneqarnissaa pillugu, taava aapparisaq aningaasanik pinissaminik piginnaatitaaffeqarpoq najugarisap ilaanik pissarsinissamik. Katissimasap kingorngussassai aningaasanik pinissaminik taamatut piginnaatitaaffeqarpoq, katissimasap aningaasanik atuisimappat nammineq immikkut pigisaminut najukkami pigisanik iluarsartuussinernut imaluunniit avinnermi immikkut pigisanut."«

2. § 40, imm. 2, ima oqaasertaliorneqassaaq:

»*Imm. 2.* Aalajangersakkat eqqartuussivimmi aalajangerneqartut inatsisit malillugit suliareqqitassanngortinneqarsinnaapput, suliareqqitassamut suliassat inuinnarnut tunngassuteqartut sulinermi inatsisip kapitali 43-mi".«

3. § 41 atorunnaarsinneqassaaq.

4. § 42 ima oqaasertaliorneqassaaq:

»§ 42. Katissimalluni aapparisaq kingorngussassanik agguassinermi matussusiinerup suussusaanik najukkami pigisanik agguanerup kingunerisaanik imaluunniit ataatsimoorluni aningaasanik pigisat taamaatinnerinni, tak. § 51 inatsimmi katissimalluni aapparisaq

kingorngussassani il.il., kunngip peqqussutaani Kalaallit Nunaani atuutilersimasumi, pilersinneqassaaq imaalillugu, tamakkiisumik immikkut pigisaqarneq.«

**5. Kapiteli 6** atorunnaarsinneqassaaq.

*Imm. 2.* Inatsimmi § 2, nr. 4-p, 6-p aamma 8-p, aamma §§ 4-miit 6 ilanngullugu qaqugukkut atuutilersinneqarnissaat Inatsiseqarnermut ministerip aalajangissavaa.

*Imm. 3.* Inatsimmi § 2, nr. 16-miit 18 ilanngullugu aamma 20 pinerluttulerinermik suliani atorneqarsinnaanngillat, taakkunani inatsisip atuutilersinneqarnera sioqqullugu pasineqartup aggersarneqarneranik nalunaarutiginninneq suliarineqarsimalluni. Pinerluttulerinermik suliat taamaattut malittarisassat maannamut atuuttut malillugit suliarineqassapput.

*Imm. 4.* Inatsimmi § 2, nr. 21 pinerluttulerinermik suliani atorneqarsinnaanngilaq, tassani inatsisip atuutilersinneqarnera sioqqullugu eqqartuussisarnermik inatsimmi § 453, imm. 3 malillugu najuutinngitsoornermik eqqartuussummik eqqartuussisoqarsimalluni.

*Imm. 5.* Inatsisip atuutilinnginnerani kingornussassaqaqtitsisoq toqusimappat, inatsimmi §§ 4 aamma 5 atorneqarsinnaanngillat. Sulianut taamaattunut malittarisassat maannamut atuuttut atorneqassapput.

*Imm. 6.* Suliaq inatsisip atuutilinnginnerani eqqartuussivimmut saqqummiunneqarsimappat, inatsimmi § 6 atorneqarsinnaanngilaq. Sulianut taamaattunut malittarisassat maannamut atuuttut atorneqassapput.

**§ 7**

*Imm. 1.* Inatsit ulloq 1. juli 2023 atuutilissaaq, taamaattoq imm. 2 takuuk.

*Christiansborg Slot-imi tunniunneqarpoq, ulloq 25. april 2023*

Kunngisut Atsiorpugut Naqissusiillutalu

MARGRETHE R.

/ Peter Hummelgaard